

19


20

21

22

23

Quando El Dios Ya Hace Todo Las Cosas



Ya Escribe Si: Edward Hughes
Ya Ilustra Si: Byron Unger; Lazarus
Alastair Paterson

Ya Traduci El: www.christian-translation.com
Estaba con: Bob Davies; Tammy S.

Primer 1 estoria de sesenta (60)

M1914.org

Bible for Children, PO Box 3, Winnipeg MB R3C 2G1 Canada

Lisencia: Tiene tu derecho copia y emprenta este storia,
pero nuay tu permiso bende con este.

Chavacano

El Dios sabe que manada
maldad kita que ya hace, que se llama
pecado. El sentencia del pecado amo el muerte.


El Dios ta ama gayot canaton, ya imbia Le con el de Su
Unico Hijo, si Jesus, para muri na cruz y paga di aton
multa. Si Jesus ya vivi otravez y ya bolbe na Cielol
Aura el Dios pwede ya perdona di aton pecado.

Si kiere tu aripinti na di tu maga pecado, habla tu
este con el Dios: Dios mio, Ta cre yo que si Jesus ya
muri para comigo y aura ya vivi otravez. Favor entra
na mi vida y perdona conel di mi maga culpa, para hay
tiene yo nuevo vida aura y despues man hunto Contigo
hasta para cuando. Ayuda comigo vivi para contigo
como di tuyu anak. Amen. Juan 3:16

Leh con el Biblia y conversa con Dios todol dia!

Kien ya hace canaton? El Biblia, El Palabra del
Dios, amo ta habla paquemodo el maga gente ya
principia. Antes, El Dios ya crea con el primer
gente y su nombre si Adan.

El Dios ya crea con Adan desde el polbos del tierra.
Quando El Dios ya dale resuelvo con Adan, ele ya
vivi. Ya descubri le con su presencia na un bonito
hardin que se llama Eden.



1

2

Antes que El Dios ya crea con Adan, ya hace Le bonito conel mundo y vale las cosas. Uno por uno, El Dios ya hace con el maga gulod y savanna, mga flores oloroso y maga palo alto, maga pajaro de colores y maga buyug, maga ballena ta nada y maga marisko malandug. Actualmente,



el El Dios ya hace con todo el que tiene - todol las cosas.

3

Cuando ya principia, antes el Dios que ya hace las cosas, nuay que cosa tiene siendo El Dios. Nuay gente, nuay lugar, nuay las cosas. Nuay nada. Nuay luz y nuay oscuridad. Nuay arriba y nuay abajo. Nuay ayer y nuay mañana. El solamente que tiene amo el Dios que nuay principio. Despues, el Dios ya mobe.




4

Cuando ya principia, el Dios ya crea con el Cielo y con el mundo.

5

Y el mundo sin forma y sin carga. Y el oscuridad ta esta na hondo. Cabar el Dios ya habla. "Tiene luz!"




6

Y ya tiene luz. El Dios ya llama con el luz Dia y el oscuridad ya llama Le Noche. Y el de noche y el de dia amo el primer dia.



7

Na segunda dia, El Dios ya pone conel agua del mar, y del maga sapa na pwesto abaho del cielo. Na tercero dia, ya habla el Dios, "Manda abuya con el tierra." Y este ya susede.



8

El Dios tambien ya manda abuya con el maga sacate y flores y siembra y maga palo. Y todo se ya abuya. Y el noche y de dia amo el tercero dia.



9

Despues, El Dios ya hace con el sol, y el luna y monton de estrella que ningunos pwede cunta. Y el noche y de dia amo el aka cuatro dia.



10

Mga criatura del mar y pescao y pajaro amo el siguiente na lista del Dios. Na aka cinco dia ya hace Le con el maga grande pescao de espada y maga diutay sardinas, el maga ostrich y maga pajarito. Ya hace El Dios todo clase de pescao para llena el entero agua del mundo, y todo clase de pajaro para con gusto na tierra, y na mar, y na cielo. Y de noche y de dia amo el aka cinco dia.



11

Akabar quel, El Dios ya conversa otravez. Habla pa Le, "Manda todo clase de criatura vivi na mundo..." Todo clase de animal y insekto manda abuya. Talya el maga grande elepante y maga ocupao beavers. Maga chonggo salawayun y maga buwaya barumbao. Maga gusano malihuk y chipmunks. Maga giraffes y maga gato maamo. Akel mismo dia, todo clase de animal ya hace El Dios.

Y de noche y de dia amo el aka seis dia.



12

Tiene pa cosa ya hace El Dios durante el aka seis dia - un cosa que bien especial. Todo las cosas preparao ya para con el gente. Tiene ya comida areredor y maga animal para sirvi con ele. Y ya habla El Dios, "Hace kita gente desdel di aton imaje. Manda con ele domina con todo las cosas na entero mundo." PORESO EL DIOS YA CREA CON EL GENTE DESDE SU IMAJE; NA IMAJE DEL DIOS CON ELE YA CREA ...



13

Habla El Dios con Adan. "Pwede tu come todo que cosa tu quire alyi na Jardin. Pero numa come con ese talyi na pono del saber de bueno y malo. Si come tu con ese, asiguraa tu muri."



14

Y El Dios Señor ya habla, "Hinde bueno el gente keda solo. Hace Yo ayudante para con ele." Ya lleva El Dios todol maga pajaro y animal con Adan. Todo ya nombra si Adan. Entonces bien listo le pensa para hace con este todo. Pero entre estos maga pajaro y animal, nuay syempre sutable uban si Adan.



15

Ya manda durmi El Dios con Adan. Ya quita uno del su bukug na costañera, y ya hace El Dios con el muher desde el pedasito costañera di Adan. El muher que ya crea El Dios amo el exactamente propio pares para con Adan.



16

El Dios ya hace todo las cosas adentro na seis dia. Despues, El Dios ya bendeci con el aka siete dia y ya hace este el dia de Descanso. Na hardin de Eden, si Adan y Eba ta esta alegre ta obedece con El Dios. El Dios amo el di illa Señor, que Ta Mantene, y de illa Amigo.



17

Cuando El Dios Ya Hace Todo Las Cosas
El Estoria Del Palabra Del Dios, El Biblia
hay pwede encuntra na
Genesis Uno-Dos

"El frontera del Tu Palabra ta dale luz."
Psalm 119:130

18